



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Dacorum.

**urn:nbn:de:hbz:466:1-20006**



Cap. 8. De ven-  
nuntiat.

dos. Hi præterea qui beneficium ec-  
clesiasticum sibi collarum sponte in ma-  
num laicam resignantes, illud denuò à  
laico susceperunt, eodem sunt beneficio  
spoliandi; licèt resignatio talium facta  
laico nullam obtineat firmitatem. Alta-  
re verò in quo tabula cui consecrationis  
benedictio pontificali ministerio adhi-  
betur, si mota fuerit, vel enormiter fra-  
cta, debet non immeritò consecrari. Nec  
negamus quin oleum non consecratum  
consecrato possit oleo commisceri. Cle-  
rici autem qui excommunicati, vel ab  
excommunicatis scienter ad ordines sunt  
promoti, debent ab ordine sic suscepto  
deponi. Datum apud civitatem Castel-  
lan. VI. Idus Octobris.

*NIDROSIEN. ARCHIEPICOPO,  
Universis Episcopis, & aliis Ecclesiarum  
Prelatis in Norrvagia constitutis, in  
fidelium communionem manentibus.*

Epist. 182.  
De compelen-  
do tyranno, qui  
eos miserè ex-  
cruciabat.  
Vide supra epist.  
320.

**I**N vestrorum & totius populi Norv-  
vagiæ criminum ultionem permit-  
tente Domino credimus accidisse quòd  
usque adeo in vos & totum regnum  
Norrvagiæ tyrannica Sueri crudelitas  
& violentia detestanda prævaluit ut &  
regnum nec electione Principum, prout  
accepimus, nec ratione sanguinis occu-  
parit, & in viros ecclesiasticos ipse quon-  
dam ecclesiastico (sicut dicitur) functus  
officio debacchetur, Ecclesias opprimat,  
Clericos persequatur, affligat pauperes,  
& sæviat in potentes: ita ut divino cre-  
datur accidisse iudicio, ut qui secundum  
etiam suam assertionem illegitimè natus  
ad sacros non fuerat ordines promovendus,  
contra sanctiones canonicas assump-  
tus ad eos, fortius in illos sæviat qui  
in ordinatione ipsius statuta canonum  
non servarunt. Miramur autem, non de  
Deo, qui ad correctionem vestram ejus  
tyrannidem hæcenus toleravit, nec de  
ipso, cujus spiritus obstinatus in malo  
malum dediscere, assuetus iniquitati, non  
potest, sed de his qui apostatam, sacri-  
legum, & nefandum adhuc etiam sacri-  
legæ temeritatis ausu sequuntur, & ei  
præbent auxilium & favorem, cujus ty-  
rannidem persequi potius pro viribus  
tenebantur. Licèt autem ad edomandam  
ejus versutiam frequens manaverit ab  
apostolica sede mandatum, nondum ta-  
men sic ejus potuit perveritas refræ-  
nari, quin adhuc quibusdam eum in sua-  
rum sequentibus perniciem animarum,

in quadam parte Norrvagiæ dominetur,  
& in ea rabiem superet aquilonis. Qui ut  
amplius vos & universum Norrvagiæ  
populum circumveniret, & auctoritate  
apostolica regnum sibi ostenderet con-  
firmatum, bonæ memoriæ \* Celestini  
Papæ prædecessoris nostri Bullam falsa-  
re non timuit, qua varias literas sigilla-  
vit. Sed is cui manifesta sunt omnia, ejus  
falsitatem detexit. Ne autem ejus per-  
veritas desæviat diutius in infontes, uni-  
versitati vestræ per apostolica scripta di-  
strictè præcipiendo mandamus quate-  
nus Norrvagiæ populum diligentius  
moneatis ne ipsum ulterius sequi præ-  
sumant, aut ei præstare auxilium vel fa-  
vorem. Alioquin universos sequaces ip-  
sius excommunicationis nunciatis sen-  
tentia innodatos, & claudentes Eccle-  
sias, & nullum in tota terra Norrvagica,  
quæ ipsum sequitur, sacramentum ecclie-  
siasticum, præter baptismum parvulorum  
& pœnitentias morientium, celebrantes,  
fautoribus ejus decedentibus sepultu-  
ram ecclesiasticam degeneris. Ad hæc,  
discretionem vestram nolumus ignora-  
re, quòd cum nuntij ejus ad nostram  
præsentiam accessissent, à nobis super  
facto ipsius nihil potuerunt penitus im-  
petrare. Vnde si quid pro eo se obti-  
nuisse confinxerint, à falsariis id obten-  
tum esse noveritis, quorum multitudo in  
nostræ promotionis initiis cum falsis  
Bullis per nostram fuit sollicitudinem  
deprehensa. Datum apud civitatem Ca-  
stellanam, II. Nonas Octobris.

*ILLVSTRI REGI  
Dacorum.*

**T**Am Cleri quàm populi Norvva-  
giæ, promerentibus culpis per-  
mittente Domino credimus accidisse  
&c. usque ad verbum sæviat in infon-  
tes, serenitatem regiam rogamus, mo-  
nemus, & exhortamur in Domino, ac  
per apostolica scripta mandamus, qua-  
tenus ad defendendas Ecclesias, Cleri-  
cos in sua libertate tuendos, liberandos  
pauperes & potentes de manu persecu-  
toris illius, immo etiam ad dejiciendum  
monstrum illud, quòd his solis parcat  
quibus nocere non potest, taliter accin-  
garis, ut & à Deo retributionem æter-  
nam & nostram consequi gratiam spe-  
cialius merearis: persecutoribus tantæ  
iniquitatis assistas, resistas sequacibus;  
ita quòd membrum illud diaboli non

\* Hic & in  
epist. 184. legi-  
tatur Celestini.  
Sed ratio  
temporum repu-  
gnat. Itaque  
correximus.

Epist. 182.  
Ejusdem argu-  
mentum.



possit in regno Norrvagiæ denuo debacchari, aut persecutionem in Ecclesiis ulterius suscitare. Datum ut supra.

*In eundem modum illustri Regi Suetiæ. In eundem modum nobili viro Comiti Suetiæ.*

*NIDROSIEN. ARCHIEPISCOPO.*

**E**Xaminatam tuæ fidei puritatem & fervoris constantiam, quam nec persecutio nec gladius nec fames nec exilium diuturnum à caritate Christi separare potuit, vel dejicere à statu libertatis ecclesiasticæ conservando, quem etiam nec terror coëgit, nec minæ moverunt, nec demulserunt blanditiæ, nec preces nec promissiones potuerunt inducere ut Suero sacrilego & apostatæ, qui regnum Norrvagiæ per effusionem sanguinis & violentiam occupavit, in matris infamiam se asserens de regali progenie descendisse, vel latenter annueres, vel expressè faveres, dignis in Domino laudibus commendamus; & tanto amplius ex hoc tuæ fraternitatis fortitudini congaudemus, quanto in te potius persecutor exarsit, sed constantia tua ejus tyrannidem superavit. Vnde cum tibi contra tyrannum illum à tuis esset suffraganeis assistendum, nec eorum aliquis eidem excommunicato deberet præstare favorem, utpote qui Ecclesias & ecclesiasticos viros servituti subjicere nititur, opprimere pauperes; & effundere sanguinem innocentem, ferre non possumus non molestè quòd Bergen. Episcopus, suffraganeus tuus, contra bonæ memoriæ Celestini Papæ prædecessoris nostri mandatum, & contra tuum etiam interdictum, castra ipsius sequi non dubitat, celebrans excommunicato divina, & in ejus præsentia universa exercens ecclesiastica sacramenta: qui licet à te fuerit sapius evocatus, tuo tamen se noluit conspectui præsentare. Quia verò tanta præsumptio severiori debet animadversione puniri, fraternitati tuæ per apostolica scripta mandamus atque præcipimus quatenus Episcopum ipsum, si præmissis veritas suffragatur, ab officio beneficiique suspendas, nec prius sententiam suspensionis relaxes, quam nostro se conspectui præsentarit. Quòd si forsan sententiam tuam servare, neglexerit, eum anathematis censura percillas, & singulis diebus do-

minicis & festivis, pulsatis campanis, & candelis extinctis, excommunicatum facias publicè nunciari: ut quem timor Domini à malo non revocat, rubor saltem & pœna compescant. Sciturus quòd nos prædictum Suero absolvere non proposuimus, nisi taliter satisfaceret de commissis, quòd ejus esset satisfactio non irrationabiliter admittenda. Datum ut supra.

*VERONEN. EPISCOPO S. Romanæ Ecclesiæ Cardinali.*

**S**icut ex tuarum & aliorum multorum accepimus contentia literarum, cum V. Ecclesiæ de Nigrario Clericus adversus Archipresbyterum & fratres ipsius plebis graves inimicitias concepisset, tu eum propter enormia facinora sua, & quia cum sceleratis & iniquis hominibus conversando arma portabat Clericis interdicta, multaque alia nefaria committebat, ab officio beneficiique suspensum excommunicationis etiam vinculo innodasti. Clericus autem ipse in concepta malitia perseverans, eundem Archipresbyterum, boni testimonij virum, sanguine generosum, amicum religionis, hospitalitatis superatorem & aliorum operum pietatis, à Veronen. civitate, ad quam profectus fuerat pro Ecclesiæ suæ negotiis peragendis, ad suam Ecclesiam redeuntem, cum complicitibus suis seculari potestate bannitis, diabolo instigante, propriis manibus (sicut dicitur) interemit, & in frustra concidere non expavit. Cumque ceteris fugientibus ipse à Potestate ac Consulibus captus, detrusus fuisset in carcerem, & propter validas probationes & indicia manifesta ferri posset in eum sententia capitalis; ad majorem facinoris evidentiam, licet quòd reus esset sanguinis defuncti Archipresbyteri à populo clamaretur, ad paucorum tamen instantiam indictum est à Potestate personale duelum. Verùm in tanto discrimine constitutus, & vitæ suæ pertimescens, utpote perpetrati sceleris conscientia vulneratus, patre medio, qui pro se ac filiis pacem pro morte dicti Archipresbyteri dicitur recepisse, mandatis consanguineorum defuncti per omnia parere promissit. Quibus pro illata injuria octingentas libras intercedente pacto promissit pariter & persolvit. Et quoniam amici Clerici memorati apud te precibus instare

F f ij

Epist. 384.  
Vi. Bergenem  
Episcopum ty-  
ranni fauorem  
deponat.

Epist. 385.  
De homicida  
deponendo ab  
ordine facto.